



## MEMORIA XUSTIFICATIVA DO CONVENIO DE COLABORACIÓN ENTRE A ASESORÍA XURÍDICA XERAL DA XUNTA DE GALICIA, A AXENCIA PARA A MODERNIZACIÓN TECNOLÓXICA DE GALICIA, A ESCOLA GALEGA DE ADMINISTRACIÓN PÚBLICA E A ASOCIACIÓN PROFESIONAL DOS LETRADOS DA XUNTA DE GALICIA, PARA A ELABORACIÓN E DISTRIBUCIÓN DUN LIBRO DE COMENTARIOS Á LEI 4/2019, DO 17 DE XULLO, DE ADMINISTRACIÓN DIXITAL DE GALICIA

### Antecedentes

A Asesoría Xurídica Xeral da Xunta de Galicia, a Axencia para a Modernización Tecnolóxica de Galicia, a Escola Galega de Administración Pública e a Asociación Profesional dos Letrados da Xunta De Galicia, consideran do seu interese para o cumprimento das súas respectivas funcións a elaboración, edición e ulterior distribución dun libro comentado polos Letrados da Xunta de Galicia sobre a Lei 4/2019, do 17 de xullo, de administración dixital de Galicia, polo carácter central desa lei nas actuacións administrativas e a importancia do seu correcto entendemento para a practica administrativa da Xunta de Galicia e demais xestores xurídicos.

A comprensión da norma e o seu correcto manexo polo persoal do sector público autonómico contribuirá á mellora das relacións cos administrados constituído un activo inmaterial para a Comunidade Autónoma de Galicia.

A colaboración materializarase na creación dun libro-manual de comentarios xurídicos e técnicos sobre a aplicación da Lei, cun enfoque eminentemente práctico que, a modo de manual de consulta, facilite o coñecemento da norma tanto polo persoal da administración pública, como polo resto de operadores xurídicos e cidadanía que debe relacionarse coa Administración a través de medios electrónicos.

### Financiamento.

A Axencia a para a Modernización Tecnolóxica de Galicia colaborará cunha achega de 8.520 € con cargo á aplicación orzamentaria 07.A1.571A.640.0 do orzamento de gastos desta axencia pública autonómica para o ano 2024.





Dita achega terá por obxecto a adquisición dos dereitos de propiedade intelectual sobre a obra colectiva, incluíndo, en particular á compensación á Asociación Profesional de Letrados da Xunta de Galicia e aos autores polas súas achegas incorporadas á obra colectiva.

Neste senso, figura no expediente valoración por parte da Asociación Profesional dos Letrados da Xunta de Galicia dos dereitos de propiedade intelectual que se adquiren en virtude do convenio, establecendoa en 8.520 €, o que resulta acorde cos prezos de mercado para os traballos desa natureza.

A Escola Galega de Administración Pública encargárase de asumir as tarefas materiais que require a edición do libro, incluíndo o encargo da súa maquetación e impresión, así como da súa posterior distribución que non abarcará os exemplares que quedarán á disposición dos outros asinantes para a súa socialización. O coste estimado da edición material do libro calcúlase no importe de 3000 €. Con relación aos exemplares que se decida destinar á venda, a EGAP percibirá o prezo daqueles de cuxa distribución se ocupe, como compensación dos seus gastos de edición.

Polo exposto considerase de gran interese a colaboración das partes asinantes xa que se trata dunha actividade de interese público e social que pretende a elaboración dun libro contando cos coñecementos e experiencia dos letrados da Xunta de Galicia e a súa visión e perspectiva práctica sobre a materia, contando coa organización e experiencia da Asociación Profesional de Letrados.

Coa finalidade de dotar, á maior brevidade posible, ao persoal da administración pública, resto de operadores xurídicos e a cidadanía que debe relacionarse coa Administración a través de medios electrónicos dun manual de consulta que facilite o coñecemento a aplicación da Lei, considerase urxente e motivada a necesidade da súa tramitación, de acordo co previsto no artigo 50 da Lei 1/2016, de 18 de xaneiro, de transparencia e bo goberno.

Santiago de Compostela

O xerente da Amtega

José Luis Somoza Digón





## ANEXO – DESGLOSE ORZAMENTO E PREVISIÓN DE INGRESOS

Concepto orzamento	Importe
Dereitos de propiedade intelectual que se adquiren	8.520 €
Edición: Maquetación e impresión (300 exemplares)	3.000 €
<b>TOTAL</b>	<b>11.520 €</b>

Nº exemplares mínimos venda ao público e prezo estimado	Previsión ingresos
Mínimo: 180 x 17 €/unidade	3.060 €
Máximo: 180 x 61 €/unidade	10.980 €

As previsións de ingresos anteriores trátanse de previsións de mínimos para unha primeira edición da obra, sen prexuízo da posibilidade de posteriores edicións da mesma. Así mesmo, non se inclúen na previsión de ingresos a valoración dos dereitos de propiedade intelectual adquiridos con carácter de permanencia, nin a valoración dos exemplares que recibirá a administración pública galega para a súa libre e gratuíta difusión institucional (entre 2.040 € e 7.320 € por edición).

